



[www.BibleForChildren.org](http://www.BibleForChildren.org)




Juan 14



"Atumka wake mesemar kuntuts enentaima pujuirpa,  
Yuusai nekaspapita tusarum enentaimsatarma, tura  
winasha nekaspapita turuttarma. Wina Apar  
pujamunam nayaimpinam atum pujumain nukap  
agkan awai."



"Nu atsakaigka atumnaka ujamajtsujrume, nu iman au  
asantai wii atum pujustinnaka umirkatjarme tusan  
weajai. Yamai wii wena atum pujustinan umikan,  
ataksha wakettsanak atumin jukin, wii pujamunmag  
pujustarma, tusan jukittsan taruattajrume."



Wika Juankaitjai. Jesúsai surumankau asan  
atumin yachiyaitjai. Atum Jesúsai  
surumankautiram waitarum antsanak

wisha waitaknasha



umamkesan  
katsuntrauwaitjai.



Tuma asan wisha atumjai metek Yuusa  
inamtairinka wayaatnaitjai. Wii Yuusa  
chichamen Jesús jintintruamun


chicharkartau asamtai,  
ajuntai Patmos



tutainam  
achirkarmatai  
pujumjai.





Nuna turutaig Wakan Pegker egkemrutar, apu ekemtairi agkarunam nanamsantai, nui chikichik eketun wainkamjai.




Nuna tusar inagnainai, ashi Yuus najankamu  
nayaimpinam, nugkanmasha, shuar jakau ikusmau  
ainasha, nayantsanam matsataina  
nusha, ashi metek chichainak:

Yuus nina ekeemtairin eketa auka  
nina uchirijai, atakea nuisha tuke  
ememattai, atumin ashi umirtamin  
ainawai,  
tsaaptin  
jasrum ekeemin  
asarum tuke  
senchirtinak  
atinaitrume,  
tuinamun

antukmajai.




Yuus eketmaunmaya yaakat pegker yamaram  
Jerusalénka nuna, nugka yamarmanam akaan  
wainkamjai. Yaakat yarma nuka nuwa nina aishri  
atinan shir iwarmamturua imanuyai. Nu tumamunam  
nayaimpinmaya chichaak: "Iisiana, yamaika shuar  
ainajai Yuus  
pujawai, nigka  
nitajai  
pujustinaiti.  
Nitaka ninu  
artinaiti, tura ni  
nita Yuusri atinaiti."






Nuna ashi wainkamtai nui, nayaimpinmaya shuar entsa  
pegker saawi pujutan sukartinan iwainturkamai. Nu  
entsaka Yuus nina uchirijai eketmaunmaya jiiinmayi.



Nu yaaktanam Yuus nina uchirijai tsaaptin amaju  
asamtai, etsasha nantujai yaaktan tsaaptin amajsati  
tusarka atsumnachmayi.




Nu yaaktanmagka  
chikichik  
pegkerchauksha, shuar  
tunau natsanmain aina  
nuna takauksha  
wayaachartinaiti. Antsu  
Oveja uchiri papi  
takakmaunam tuke  
matsamsartin naari  
aatkamu aina nuke  
wayawartinaiti.




“Tuma asa yaunchuk ajakua  
nuka nagkamasu asamtai, ashi  
nita neajkirinka Yuus  
emegkatratnaiti. Nitaka pegke  
jakachartinaiti, úttankesha  
útchartinaiti, najaimatnaksha  
najaimaka matsamchartinaiti”,  
tusa taun antukmajai.




Aigka Yuus pegkerchauwaiti tamauka atsutnaiti.  
Yuusa ekeemtairi, tura Ovejanua nujai nui au asamtai,  
nuna inatairi ainaka emematiartin ainawai. Tura shir  
igkusar wainainak, nita nijaincha Yuusan naari  
aatkamu artinaiti.



Tumamtai jina ainaka nantarar, shuar chichame anturtai, tura chichame anturchatai ainajaimak Yuusai ashi jeantar iruuntsarmayi. Tumamtai Yuus: "Shuar iwáku pujusa takasmauri aatkamua nu papi urartarma. Tura chikich papi tuke matsamsatin ainan naari aatkamua nusha uraktaarma", tusa timayi.




Tura Yuuska nita takasmaurin nu papiinum iis,  
turusag waittanka sumayi. Tura jata nunaka, jakau  
matsamtairiya nunasha, tura shuar pujutan jukiartin  
naari aattaiya nuisha aatkachmau ainajai ashi irumar  
jinum utsaamai. Nuwaiti jakayata  
nantakir ataksha awentsarik waitamu.



Jesús nuna timatai, Wakan Pegker, Oveja uchiri  
nuwejai chichainak: "Winita" tiarmayi. Tura ju  
chichaman antuinasha turusag "winita" tiarti.  
Kitamainaka jui tantar entsa pujutan sukartina nuna  
akikchaujai umararti. Ashi shuar wakeruinaka

umumain  
ainawai.





Yuuska ashi shuar ainatin shir senchi  
anenmau asa, wina uchir chikichkia nuna  
nekaspapita tusa umiruka waittan  
jukichartin arti, antsu pujut tuke  
atinan jukitin arti, tusa nina  
uchiri chikichkia nunaka  
suramsauwaitji.



Romanmaya 3:23 Ashi nugkanmaya ainaka tunau ainawai,  
tumau asar Yuus tsaaptinum puja nuigka  
jeamainchau ainawai.

Romanmaya 6:23 Tunau takamua nuka Yuusjai tuke  
tupantikartawai. Antsu ina apuri Cristo Jesús inii  
mantamna asamtai, Yuus antrag surammauka pujut  
nagkanchauwa nuwaiti.

Hebreonmaya 9:27 Ashi shuar ainatika chikichkia  
jakartin ainaji. Tumawakrin Yuus ii takasmaun iis  
turamtinaitji.

Efesonmaya 2:8,9 Yuusa uchiri nekaspapita tau  
asaakrumin, nina wait anenkartutairin atumnaka  
uwentikramrauwaitrume. Atum uwemrattsarum  
takamainka pegke atsawai. Nunaka Yuus nigki enentaimas  
turawaiti. Ii pegker takamunmagka uwemkacharu  
asar, ika ememamain ainatsji.



Romanmaya 10:9,10 Tura Jesucriston maamuncha Yuus nekas inankinapita tu enentaimkumka, tura Jesúska wina apuruiti takumka uwemratnaitme.

Jesucristowapi nekas wina tunaurun ashi tsagkurtur agkanmantikruawaita tu enentaimkumka, tura Jesucristowaiti nekas wina apurka takumka uwemratnaitme.

Juan 3:16,17 Yuuska ashi shuar ainatin shir senchi anenmau asa, wina uchir chikichkia nuna nekaspapita tusa umiruka waittan jukichartin arti, antsu pujut tuke atinan jukitin arti, tusa nina uchiri chikichkia nunaka suramsauwaitji. Yuuska shuar ainatin makuti tusagka ju nugkanmagka uchirinka akupturmakchauwaitji, antsu uwentikati tusa akupturmakuitji.



1 Juan 5:11-13 Yuus chichartamuk: Wii pujut  
nagkanchauwa nuna amastinaitjarme turamnaitji. Nu  
pujuta nunaka nina uchiriya nu sukartawai.  
Yuusa uchiriya nuna jukinka nu pujutcha arawai. Antsu  
Yuusa uchiriya nusha atsurmauka nu pujutcha atsurui.  
Atum Yuusa uchiriya nuke shir nekaspapita tusa  
enentaimtuinatirmin, pujut nagkanchauwa nu jukimusha  
nekaatarma tusan junaka aatjarme.



Juan 14; 2 Corintonmaya 5;  
Apocalipsis 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Huambisa Bible (hub) © 2010, Wycliffe Bible Translators,  
Inc. All rights reserved.

<https://live.bible.is/bible/HUBWBT/MAT/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

